

**COFNODION CYFARFOD Y PWYLLGOR TROSOLWG A CHRAFFU CORFFORAETHOL A GYNHALIWYD YN SIAMBR Y CYNGOR - SWYDDFEYDD DINESIG, STRYD YR ANGEL, PEN-Y-BONT AR OGWR CF31 4WB DYDD MERCHER, 25 GORFFENNAF 2018, AM 09:30**

Presennol

Y Cynghorydd CA Green – Cadeirydd

JPD Blundell  
RMI Shaw

N Clarke  
JC Spanswick

J Gebbie  
T Thomas

M Jones

Ymddiheuriadau am Absenoldeb

T Giffard, RL Penhale-Thomas a/ac B Sedgebeer

Swyddogion:

Mark Galvin  
Gail Jewell

Uwch Swyddog Gwasanaethau Democraidd - Pwyllgorau  
Swyddog Gwasanaethau Democraidd - Craffu

Gwahoddedigion:

Susan Cooper  
Cynghorydd Huw David  
Lindsay Harvey  
Darren Mephram  
Zak Shell  
Cynghorydd Charles Smith  
Cynghorydd Richard Young

Cyfarwyddwr Corfforaethol - Gwasanaethau Cymdeithasol a Lles  
Arweinydd  
Cyfarwyddwr Corfforaethol – Addysg a Chymorth i Deuluoedd  
Prif Weithredwr  
Pennaeth Gwasanaethau Cymdogaeth  
Aelod Cabinet - Addysg ac Adfywio  
Aelod Cabinet - Cymunedau

73. DATGANIADAU O FUDDIANT

Dywedodd y Cynghorydd J.P. Blundell a'r Cynghorydd R. Shaw fod ganddynt fudd personol yn Eitem 4 ar yr agenda.

74. CYMERADWYO'R COFNODION

PENDERFYNWYD: Bod cofnodion cyfarfod 18 Mehefin 2018 yn cael eu cymeradwyo fel cofnod gwir a chywir.

75. DIWEDDARIAD AR Y FLAENRAGLEN WAITH

Cyflwynodd Cyfreithiwr y Cyngor a'r Swyddog Monitro adroddiad er mwyn cyflwyno'r canlynol gerbron y Pwyllgor:

- a) yr eitemau fydd yn cael eu hystyried yn ystod cyfarfod nesaf y Pwyllgor, a gynhelir ar 26 Medi 2018, a cheisio am gadarnhad o'r wybodaeth sy'n ofynnol ar gyfer y cyfarfod dilynol a drefnwyd, a gynhelir ar 6 Tachwedd 2018
- b) rhestr o ymatebion i sylwadau, argymhellion a cheisiadau am wybodaeth ychwanegol o gyfarfod blaenorol y Pwyllgor Trosolwg a Chraffu Corfforaethol
- c) rhestr o eitemau posibl y Flaenraglen Waith ar gyfer blaenoriaethu ffurfiol a dyrannu i bob un o'r Pwyllgorau Trosolwg a Chraffu Pwnc

Roedd adborth o gyfarfod blaenorol y Pwyllgor wedi'i atodi i'r adroddiad yn Atodiad A, ac roedd Atodiad B yn manylu Blaenraglen Waith y Pwyllgor Trosolwg a Chraffu Corfforaethol, gan amlinellu'r agenda ar gyfer y ddau gyfarfod nesaf.

Cyfeiriodd y Swyddog Craffu wedyn at Atodiad C yr adroddiad, a oedd yn cynnwys Blaenraglen Waith y Pwyllgorau Trosolwg a Chraffu Pwnc, a oedd yn cynnwys y pynciau y rhoddwyd blaenoriaeth iddynt ac y cytunwyd arnynt gan y Pwyllgor Trosolwg a Chraffu Corfforaethol ar gyfer y gyfres nesaf o Bwyllgorau Trosolwg a Chraffu Pwnc yn Nhabl 1, yn ogystal â rhestr o bynciau arfaethedig ar gyfer y dyfodol yn Nhabl 2.

Yn dilyn y ddatl a ddilynodd ynghylch cynnwys yr adroddiad, cadarnhaodd y Pwyllgor yr eitemau canlynol ar gyfer Blaenrhaglen Waith y Pwyllgor Trosolwg a Chraffu Corfforaethol:

26 Medi 2018                      Trawsnewid Digidol

6 Tachwedd 2018                Caffael a Chontractau

Gofynnodd aelodau i'r adroddiad nodi'r canlynol:

- Gwybodaeth am ofal cartref a chontractau cyflogaeth
- Diweddariad ynghylch yr ystyriaeth i weithredu'r Cod Ymarfer – Cyflogaeth Foesol mewn Cadwyni Cyflenwi
- Gwybodaeth am sut mae'r cyngor yn sicrhau arferion cyflogaeth teg o fewn cadwyni cyflenwi
- Diweddariad ynglŷn â chanlyniadau'r adolygiad busnes o faes caffael
- Manylion ynghylch yr hyn mae'r cyngor yn ei wneud i hyrwyddo caffael moesegol – mae'n bosibl y bydd hyn yn cynnwys copi o strategaeth gaffael Cyngor Bwrdeistref Sirol Pen-y-bont ar Ogwr

Cadarnhaodd y Pwyllgor yr eitemau canlynol ar gyfer Blaenraglen Waith y Pwyllgor Trosolwg a Chraffu Pwnc:

5 Medi 2018                      SOSC1                              Cludiant o'r Cartref i'r Ysgol

6 Medi 2018                      SOSC 2                              Eiriolaeth

17 Medi 2018                    SOSC 3                              Gwasanaethau Gwastraff

16 Hydref 2018                SOSC 1                              Diwygio Anghenion Dysgu Ychwanegol

18 Hydref 2018                SOSC 2                              I'w gadarnhau

22 Hydref 2018                SOSC3                              Proses CAT Ddiwygiedig

PENDERFYNWYD:  
weithredu'r cynigion uchod.

Bod yr adroddiad yn cael ei nodi yn amodol ar

76. BARGEN DDINESIG

Cyflwynodd y Prif Weithredwr adroddiad a oedd yn amlinellu agweddau ar Fargen Ddinesig Prifddinas-Ranbarth Caerdydd, yn benodol o ran gwybodaeth am y canlynol:

- Trosolwg o'r Fargen Ddinesig a'r hyn y byddai Pen-y-bont ar Ogwr yn ei ennill o ganlyniad iddi ?
- Beth sy'n dod i Ben-y-bont ar Ogwr o ganlyniad i'r Fargen Ddinesig ? (beth ydym ni'n ei gael fel canran o'r mewnbwn ariannol ?)
- A oes cynllun busnes y gall aelodau ei weld ?
- Pa brosiectau sydd wedi cael eu nodi hyd yn hyn ?

Wedyn, rhoddodd gyflwyniad i'r adroddiad, a chafwyd sesiwn holi ac ateb gyda'r aelodau a'r gwahoddedigion yn dilyn hyn.

Cyfeiriodd aelod at baragraffau 3.5 a 3.6 o'r adroddiad, gan nodi bod llawer o rannau gwahanol yn gysylltiedig â'r prosiect, a oedd yn cynnwys y posibilrwydd o ddeg gweledigaeth wahanol (o'r sefydliadau gwahanol sy'n ymwneud â'r cynllun) a fyddai'n cael eu harwain gan ddeg Prif Weithredwr gwahanol. Roedd yn meddwl oherwydd hyn a fyddai'r weledigaeth yn cael ei cholli o ran symud ymlaen â mentrau allweddol.

Dywedodd yr Arweinydd mai ond un weledigaeth oedd mewn perthynas â dyheadau Bargen Ddinesig Prifddinas-Ranbarth Caerdydd, h.y. yr un a oedd yn y Cynllun Busnes a oedd yn cefnogi'r cynllun. Cefnogwyd y weledigaeth hon yn unfrydol gan yr awdurdodau a oedd yn ymwneud â'r Fargen Ddinesig, a oedd yn brosiect hirdymor dros 20 o flynyddoedd a oedd wedi'i lofnodi gan bob un o'r deg sefydliad a oedd yn cymryd rhan gyda llywodraethau'r DU a Chymru. Cefnogwyd y Fargen Ddinesig gan £375 miliwn, a byddai'n darparu cyflogaeth, cyfleoedd adfywio a gwell cysylltiadau trafnidiaeth drwyddi draw'r rhanbarth a gwmpesir gan y prosiect.

Gofynnodd aelod faint oedd y costau a oedd wedi cael eu hysgwyddo, e.e. am weinyddiaeth a chomisiynu ac ati, o ganlyniad i gefnogi'r Fargen Ddinesig.

Dywedodd y Prif Weithredwr fod rhai gofynion cymorth a roddwyd ar waith mewn perthynas â'r uchod yn orfodol, a bod y rhain yn ymwneud yn bennaf â materion llywodraethu. Er enghraifft, byddai ond un ffynhonnell un craffu ar y cynllun, yn hytrach na phob awdurdod sydd yn cymryd rhan yn craffu ar wahân drwy ddeg dull gwahanol. Dywedodd fod tîm prosiect wedi cael ei roi ar waith hefyd i gefnogi Bargen Ddinesig Prifddinas-Ranbarth Caerdydd. O'u cymharu â Bargeniau Ddinesig eraill sy'n gweithredu drwy'r DU, ychwanegodd y Prif Weithredwr ymhellach, roedd mecanweithiau cefnogi megis tîm y prosiect yn 'ddarbodus'. Esboniodd fod angen i Fargen Ddinesig Prifddinas-Ranbarth Caerdydd gael ei harchwilio hefyd, a byddai hynny'n gost ychwanegol. Dywedodd wrth yr aelod y gallai roi amcangyfrif o gyfanswm y gost ar gyfer materion fel yr uchod yn dilyn y cyfarfod.

Ychwanegodd Cadeirydd Bargen Ddinesig Prifddinas-Ranbarth Caerdydd y byddai'r gost ar gyfer yr uchod a rhai elfennau gorfodol eraill o'r Fargen Ddinesig yn dod i gost a rennir o £1 miliwn rhwng pob un o'r awdurdodau sydd yn cymryd rhan.

Gofynnodd un aelod, o ran y gost £1 miliwn o ran y cymorth a'r gwaith monitro mewn perthynas â Bargen Ddinesig Prifddinas-Ranbarth Caerdydd, a oedd hyn yn cynnwys cost y prosiect a oedd yn cael ei archwilio, a dywedodd yr Arweinydd fod hyn yn wir.

Gofynnodd un aelod a oedd Bargen Ddinesig Prifddinas-Ranbarth Caerdydd yn cael ei chefnogi gan gyflogeion/staff y sector preifat neu gyhoeddus.

Cadarnhaodd Cadeirydd Bargen Ddinesig Prifddinas-Ranbarth Caerdydd ei bod yn cael ei chefnogi gan y gwasanaeth cyhoeddus, gan gynnwys cyflogeion o'r awdurdodau sydd yn cymryd rhan ar gyfer yr unig brosiect sy'n weithredol hyd yn hyn, sef y prosiect lled-ddargludyddion yng Nghasnewydd. Ond fel y crybwyllwyd uchod, roedd yn rhaid i gyrrff allanol megis KPMG ac asiantaethau allweddol eraill fod yn allanol at ddibenion monitro, archwilio, diwydrwydd dyladwy ac ati.

Gofynnodd un aelod beth oedd y sail resymegol y tu ôl i gyflwyno'r prosiect lled-ddargludyddion yn ardal Casnewydd.

Dywedodd Cadeirydd Bargen Ddinesig Prifddinas-Ranbarth Caerdydd fod y rhesymau am hyn o ganlyniad i'r ffaith fod y ffatri LG a oedd yno o maint addas ar gyfer y prosiect lled-ddargludyddion (felly ni fyddai costau i'w talu i adeiladu safle newydd), a bod digon o dir o amgylch y ffatri i leoli unrhyw ddatblygiad yn y dyfodol yno fel estyniad o'r safle presennol. Roedd y datblygiad hwn hefyd yn cefnogi dulliau technoleg effeithiol, ac o ystyried yr ardal sylweddol o'i amgylch, byddai hyn yn helpu economi'r ardal, gan gynnwys creu swyddi.

Gofynnodd un aelod beth oedd y broses a ddilynwyd o ran nodi prosiectau sy'n rhan o Fargen Ddinesig Prifddinas-Ranbarth Caerdydd a'u cymeradwyo yn dilyn hyn.

Cadarnhaodd Cadeirydd Bargen Ddinesig Prifddinas-Ranbarth Caerdydd y byddai'r holl brosiectau a gyflwynir, megis y rheini gan gwmnïau busnes preifat, prifysgolion neu'r awdurdodau lleol sy'n rhan o Fargen Ddinesig Prifddinas-Ranbarth Caerdydd, yn cyflwyno cynigion priodol a fyddai'n cael eu hystyried ar yr amod eu bod yn bodloni'r holl feini prawf angenrheidiol fel yr amlinellir yn y Cynllun Busnes. Byddai gweithgorau swyddogion wedyn yn dadansoddi pob un o'r prosiectau i weld a oeddent yn haeddu ystyriaeth bellach ac a oeddent yn cynnig gwerth am arian. Wedyn byddai rhai argymhellion yn cael eu rhoi i aelodau allweddol o bob un o'r awdurdodau sy'n cynnal y prosiect ac, yn dilyn y rhain, byddant yn penderfynu a ddylid rhoi ystyriaeth gref i unrhyw brosiect a gyflwynwyd. Roedd cyfanswm o 25,000 o swyddi newydd yn cael eu targedu yn rhan o Fargen Ddinesig Prifddinas-Ranbarth Caerdydd.

Ychwanegodd yr Arweinydd fod proses grymus iawn ar waith o ran prosiectau a awgrymir ar gyfer Bargen Ddinesig Prifddinas-Ranbarth Caerdydd, ac fel yr oedd y Cadeirydd newydd gadarnhau, roedd meini prawf penodol yr oedd yn rhaid eu bodloni cyn y gellir rhoi ystyriaeth gref i'r rhain. Roedd angen i brosiectau o'r fath sicrhau cyfleoedd am gyflogaeth a denu buddsoddiad i'r sector preifat os oeddent am lwyddo fel rhan o Fargen Ddinesig Prifddinas-Ranbarth Caerdydd. Ychwanegodd fod croeso i brosiectau mewn ardaloedd heblaw am brifddinas Cymru, ac, ar ben hynny, i brosiectau trawsardal i ryw raddau neu'i gilydd.

Gofynnodd y Cadeirydd a oedd penderfyniad wedi'i wneud ynglŷn ag unrhyw brosiectau ym Mwrdeistref Sirol Pen-y-bont ar Ogwr hyd yn hyn.

Dywedodd y Prif Weithredwr fod rhai prosiectau yn cael eu hystyried ond bod y rhain yn destun trafodaeth barhaus ar hyn o bryd.

Gofynnodd un aelod i'r gwahoddedigion pwy oedd yn eistedd ar Fwrdd Prosiect Bargen Ddinesig Prifddinas-Ranbarth Caerdydd.

Cadarnhaodd yr Arweinydd fod hyn yn cynnwys arweinydd etholedig pob un o'r awdurdodau/sefydliadau sydd yn cymryd rhan, a nhw oedd yn penderfynu yn y pen draw, a byddai'r Prif Weithredwr neu swyddogion arweiniol y cyrff hyn hefyd yn bresennol er mwyn rhoi cyngor ac arbenigedd priodol.

Gofynnodd Aelod a oedd unrhyw rwystrau o ran pwy fyddai'n gallu argymhell prosiectau i'w hystyried fel rhan o Fargen Ddinesig Prifddinas-Ranbarth Caerdydd.

Dywedodd yr Arweinydd nad oedd unrhyw rwystrau o ran ffynhonnell prosiectau argymelledig, gan ychwanegu bod y prosiect lled-ddargludyddion yn deillio o'r sector preifat ac a gafodd ei asesu a'i glirio'n llwyddiannus drwy Gynllun Busnes Bargaen Ddinesig Prifddinas-Ranbarth Caerdydd.

Roedd un aelod yn gobeithio y gallai'r cynnig am wasanaethau parcio a theithio yn ardal Bracla fod yn rhan o gynllun sy'n cwmpasu ardal ehangach o dan Fargen Ddinesig Prifddinas-Ranbarth Caerdydd. Cyfeiriodd hefyd at baragraff 4.7 o'r adroddiad ac Adolygiad Gateway bob pum mlynedd a oedd i fod i ddigwydd yn 2021, a gofynnodd a fyddai hyn yn arwain at ragor o arian ar gyfer y prosiect.

Dywedodd Cadeirydd Bargaen Ddinesig Prifddinas-Ranbarth Caerdydd y byddai hyn yn cael ei fonitro yn ystod blwyddyn 10 a 15 o'r prosiect, ac y byddai'n cael ei fesur hefyd yn erbyn fformiwla dangosyddion economaidd y gwerth ychwanegol gros. Ychwanegodd fod y sefyllfa o ran yr Adolygiad Gateway yn mynd rhagddi'n foddhaol.

Dywedodd aelod fod ganddi bryderon o ran problemau tagfeydd ar yr M4 o fewn cyffiniau agos Casnewydd. Gofynnodd a fyddai modd roi sylw i hyn o dan Fargen Ddinesig Prifddinas-Ranbarth Caerdydd fel rhan o unrhyw brosiect arfaethedig.

Cadarnhaodd yr Arweinydd fod hyn yn bosibl, ond roedd yn rhywbeth y dylai'r darparwyr trafnidiaeth gwahanol a Llywodraeth Cymru roi sylw iddo'n ddieithriad, yn enwedig am fod hyn yn fater sydd eisoes yn bodoli a oedd wedi bod yn broblemus ers cryn amser.

Gofynnodd aelod am sicrwydd y byddai unrhyw gontractau a luniwyd ar gyfer staff fel rhan o Fargen Ddinesig Prifddinas-Ranbarth Caerdydd yn addas ar gyfer cyflogaion newydd, gan gydymffurfio â chanllawiau Llywodraeth Cymru a chynnwys telerau ac amodau addas sy'n debyg i delerau ac amodau eraill staff llywodraeth lleol a'r Gwasanaeth Sifil.

Rhodddwyd sicrwydd i'r aelod gan Gadeirydd Bargaen Ddinesig Prifddinas-Ranbarth Caerdydd mai hynny a ddigwyddai, ac y byddai telerau ac amodau cyflogi staff yn cydymffurfio â'r rheolau caffael moesegol priodol.

Dywedodd aelod yr oedd yn gobeithio y byddai rhai o'r prosiectau a glustnodwyd yn rhan o Fargen Ddinesig Prifddinas-Ranbarth Caerdydd yn cynnwys ardaloedd yn y cymoedd, megis y tri a leolir ym Mwrdeistref Sirol Pen-y-bont ar Ogwr.

Cadarnhaodd Cadeirydd Bargaen Ddinesig Prifddinas-Ranbarth Caerdydd y byddai'r Fargen Ddinesig yn edrych i ddatblygu swyddi yn holl ardaloedd y cymoedd ledled y ranbarth, ac y byddai'r canolfannau a oedd wedi cael eu datblygu mewn rhai lleoliadau yn y cymoedd hyd yma drwy arian gan Lywodraeth Cymru yn gobeithio cael eu hehangu ymhellach nid yn unig yn yr ardaloedd mwy difreintiedig, ond hefyd yn ardaloedd gwledig a threfi hefyd.

Cyfeiriodd un aelod at dudalen 38 o'r adroddiad, a rhai cynigion ar gyfer Bargaen Ddinesig Prifddinas-Ranbarth Caerdydd dros y pum mlynedd nesaf o ran y Gronfa Buddsoddi mewn Tai. Ynghyd â hyn, tynnodd sylw'r aelodau hefyd at dudalen 59 o'r adroddiad, sef y Gronfa Tai Ranbarthol ac ardaloedd lle y nodwyd twf o ran tai yn ardaloedd y cymoedd, ynghyd â ffigyrau rhagamcanol mewn perthynas â thai. Dywedodd fod yn well gan ddatblygwyr safleoedd datblygu tai mewn ardaloedd yn hytrach na'r cymoedd, o ganlyniad i'r ffaith fod gwerth tir yn uwch mewn lleoliadau mwy

gwledig neu mewn trefi. Gofynnodd a fyddai hyn yn annog datblygwyr i beidio ag adeiladu datblygiadau tai newydd yn y cymoedd.

Cadarnhaodd Cadeirydd Bargen Ddinesig Prifddinas-Ranbarth Caerdydd fod Gweithgor y Fargen Ddinesig yn gwneud ymdrech i annog datblygwyr safle i adeiladu tai newydd ym mhob ardal ledled y rhanbarth lle roedd yn addas i wneud hyn, gan gynnwys ardaloedd y cymoedd. Roedd cronfa ar gael i gynorthwyo datblygwyr sy'n adeiladu ar dir lle roedd rhyw fath o broblem yno, e.e. tir ansefydlog, ymysg eraill.

Ychwanegodd yr Arweinydd fod galw am ddarpariaeth tai yn y cymoedd a bod safleoedd yno a oedd yn addas ar gyfer datblygiadau newydd yn ardaloedd o'r fath. Ychwanegodd hefyd y gellid ystyried ffyrdd i annog datblygwyr safle llai i adeiladu yn y lleoliadau hyn, ac nid yn unig datblygwyr mawr megis Barratt a Wimpey ac ati.

Cyfeiriodd aelod at Flaenoriaeth 7 y Cynllun Busnes, Gwella Cysylltedd yn Fyd-eang, yn Rhanbarthol ac yn Lleol, a nododd o'r naratif ar hyn nad oedd unrhyw sôn am weithiau yr oedd angen brys amdanynt ar Groesfan Rheilffordd Pencoed.

Cadarnhaodd Cadeirydd Bargen Ddinesig Prifddinas-Ranbarth Caerdydd fod Network Rail yn gwbl gyfrifol am unrhyw waith a wneir yn y lleoliad hwn, er bod trafodaethau parhaus mewn perthynas â gwaith yn y lleoliad hwn rhyngddynt hwy, Cyngor Bwrdeistref Sirol Pen-y-bont ar Ogwr, Llywodraeth y DU a Llywodraeth Cymru, fel y soniwyd amdano'n gynharach yn y cyfarfod. Pe bai gwaith o'r fath yn cael ei gwblhau, gan gynnwys hyd at y bont, byddai hyn wedyn yn caniatáu i drenau redeg yn fwy aml nag ar hyn o bryd, yn enwedig trenau gwennol o Faesteg i Gaerdydd.

Gan fod hyn yn dod i ben â'r trafod ar yr eitem hon, diolchodd y Cadeirydd i'r gwahoddedigion am fynychu a rhoi eu cyfraniadau, a gadawodd Cadeirydd Bargen Ddinesig Prifddinas-Ranbarth Caerdydd y cyfarfod yn dilyn hyn.

### **Casgliadau:**

Mae'r Pwyllgor yn deall bod Bargen Ddinesig Prifddinas-Ranbarth Caerdydd yn broses gynyddol ond mae aelodau yn pryderu ers i'r deg awdurdod lleol lofnodi'r gronfa buddsoddi ranbarthol yn 2016 mai un prosiect yn unig sydd wedi manteisio ar y bartneriaeth.

Tynnodd y Pwyllgor sylw at y ffaith fod diffyg gwybodaeth leol yn yr adroddiad eglurhaol a'r cynllun busnes a gwnaethant argymhell y dylid paratoi adroddiad ar gyfer aelodau yn y dyfodol i gynnig manylion o ran sut y bydd pob prosiect yn fuddiol i Ben-y-bont ar Ogwr yn benodol yn ogystal ag i weddill y rhanbarth. Mae'r Pwyllgor wedi gofyn hefyd i'r adroddiad gynnwys y costau gweinyddol hyd yn hyn.

### Gwybodaeth ychwanegol

Mae'r Pwyllgor wedi gofyn i dderbyn gwybodaeth am sut y gall dinasyddion a busnesau lleol gynnig syniadau a manylion ar gyfer cynigion buddsoddi ranbarthol posibl.

Mae aelodau hefyd wedi gofyn am fanylion o ran pa brosiectau a gynigiwyd hyd yn hyn ac o ba ardal yn y rhanbarth ddaw'r rhain.

## **77. PERFFORMIAD ARIANNOL 2017–18**

Cyflwynodd y Pennaeth Cyllid Dros Dro adroddiad gyda'r diben o roi'r wybodaeth ddiweddaraf i'r Pwyllgor o ran perfformiad ariannol y cyngor ar gyfer y flwyddyn a ddaeth i ben ar 31 Mawrth 2018.

Tynnodd y Prif Weithredwr sylw'r aelodau at gyllideb refeniw net y cyngor a'r alldro terfynol ar gyfer 2017–18 fel y nodwyd yn Nhabl 1 o'r adroddiad, a oedd yn adlewyrchu'r gymhariaeth rhwng y gyllideb â'r alldro gwirioneddol ar y dyddiad uchod.

Roedd yr adroddiad hefyd yn cynnwys ym mharagraff 4.1.6 yn Nhabl 2 rhai trosglwyddiadau arian ac addasiadau technegol a broseswyd yn ystod Chwarter 4.

Roedd adran nesaf yr adroddiad yn ymhelaethu ynghylch monitro'r Cynigion i Leihau'r Gyllideb, ac yn cynnwys nodyn esboniadol o ran lleihau'r gyllideb yn 2017–18 a chymhariaeth o'r un fath ar gyfer y cyfnod blaenorol yn 2016–17.

Yna roedd paragraff 4.2.4 o'r adroddiad yn nodi'r cynigion mwyaf sylweddol ar gyfer lleihau'r gyllideb nad oeddent wedi cael eu cyflawni yn rhan o statws COG, h.y. coch, oren, gwyrdd.

Roedd Atodiad 2 yr adroddiad yn nodi maint gwirioneddol yr arbedion yn erbyn y cynigion a grybwyllwyd uchod, a'r camau i'w cymryd gan y gyfarwyddiaethau priodol i leihau diffygion wrth symud ymlaen. Byddai'r arbedion a nodwyd na chawsant eu bodloni'n llawn yn parhau i gael eu monitro yn ystod 2018–19. Roedd Cyfarwyddiaeth y Gwasanaethau Cymdeithasol a Llesiant wedi datblygu Cynllun Cyflenwi Gwasanaeth yn y Dyfodol a gyflwynwyd i'r Pwyllgor yn flaenorol, ac roedd hyn yn amlinellu ymateb y gyfarwyddiaeth i'r her ariannol a oedd yn ei hwynebu, yn enwedig wrth amlinellu'r camau a gynlluniwyd i'w cymryd er mwyn sicrhau'r arbedion ar gyfer y Strategaeth Ariannol Tymor Canolig ac uchafu'r cyfleoedd incwm erbyn mis Mawrth 2019. Byddai hyn yn cael ei fonitro'n barhaus drwy 2018–19.

Roedd darn nesaf yr adroddiad yna'n cynnwys sylwadau o ran sefyllfa ariannol pob prif faes gwasanaeth sy'n cwmpasu cyfarwyddiaethau gwahanol y cyngor, ac roedd Atodiad 3 o'r adroddiad yn ehangu ar hyn, yn ogystal â rhoi sylwadau o ran y gwahaniaethau mwyaf ystyrion.

Cyfeiriodd yr adroddiad wedyn at alldro'r Rhaglen Gyfalaf ar gyfer 2017–18, ynghyd â chyngor fod y gyllideb flaenorol a gymeradwywyd gan y cyngor ar 1 Mawrth 2017 wedi cael ei diwygio ymhellach a'i chymeradwyo gan y cyngor yn ystod y flwyddyn i gynnwys cyllidebau a gyflwynwyd o 2016–17, ar y cyd ag unrhyw gynlluniau newydd a grantiau a gymeradwywyd. Roedd y wybodaeth hon hefyd yn cynnwys manylion o ran cynlluniau lle mae arian llithriad yn ofynnol, a'r rhesymau dros hyn.

Roedd Tabl 6 yn yr adroddiad yn rhoi manylion o ran Symud Cronfeydd Wrth Gefn a Glustnodwyd i 31 Mawrth 2018, tra oedd Tabl 7 yn dilyn hyn yn amlinellu'r dyraniadau net i / oddi wrth Gronfeydd Wrth Gefn a Glustnodwyd yn ystod Chwarter 4. Roedd dadansoddiad llawn o'r holl symud mewn perthynas â Chronfeydd Wrth Gefn a Glustnodwyd ar gyfer y cyfnod a nodwyd wedi'i ddarparu yn Atodiad 5 o'r adroddiad.

Gofynnodd yr aelodau sawl cwestiwn i'r gwahoddedigion, gan ymadael â'r cyfarfod yn dilyn hyn. Roedd y cwestiynau hyn yn ymwneud â chludiant o'r cartref i'r ysgol, a phryderon o ran hyn mewn perthynas ag adolygu Llwybrau Diogel i Ysgolion. Gofynnodd yr aelodau gwestiynau hefyd mewn perthynas â darparu Gwasanaeth Gyrrwyr Gwirfoddol.

O ran Cyfarwyddiaeth y Gwasanaethau Cymdeithasol a Llesiant, ceisiodd yr aelodau am sicrwydd y byddai gorwariant rhagweledig y cyfarwyddiaethau yn cael ei fodloni maes o law, er gwaethaf y ffaith fod cynllun ariannol ar waith i sicrhau'r gorwariant hwn.

Yn olaf, lleisiwyd rhai pryderon gan aelodau o ran methiant y gwasanaeth iechyd lleol i ddarparu ffynonellau ariannol digonol ar gyfer y gwasanaethau amrywiol a ddarperir gan y gwasanaethau cymdeithasol.

Ymatebwyd i'r pwyntiau hyn gan y gwahoddedigion amrywiol yn ystod y cyfarfod, neu gofynnwyd iddynt dderbyn sylw yn y dyfodol fel y mynegwyd isod.

Cynigiodd y Pwyllgor rai sylwadau a chasgliadau ar yr eitem hon wedyn, fel y crybwyllwyd isod.

### **Casgliadau:**

#### Prif Weithredwyr a Chyllid

Argymhellodd y Pwyllgor y dylai'r Cabinet / Bwrdd Rheoli Corfforaethol gynnal ymchwiliad o ran cyflawnadwyedd y gostyngiadau arfaethedig i gyllideb y gyfarwyddiaeth, gan argymhell ymhellach y dylai cynigion afrealistig gael eu dileu o'r Strategaeth Ariannol Tymor Canolig.

#### Addysg a'r Gyfarwyddiaeth Cymorth i Deuluoedd

Mynegodd y Pwyllgor bryderon o ran y ffaith fod gan dros hanner yr ysgolion yn y fwrdeistref gyllidebau diffygiol, gan gwestiynu lefel galluoedd cyllidebu ysgolion. Argymhellodd yr aelodau, felly, y dylai'r hyfforddiant ariannol ar gyfer yr holl lywodraethwyr ysgolion gael ei wneud yn orfodol i sicrhau rheolaeth a chraffu effeithiol ar gyllideb eu hysgol.

Yn dilyn trafodaethau mewn perthynas â'r adolygiad i ddod ynghylch addasrwydd ardaloedd dalgylch ledled yr awdurdod lleol, argymhellodd y Pwyllgor y dylid ymgynghori ag aelodau ward fel rhan o'r ymarfer.

#### Cyfarwyddiaeth y Gwasanaethau Cymdeithasol a Llesiant

Gofynnodd yr aelodau pan fydd yr adroddiad perfformiad ariannol dilynol yn cael ei gyflwyno i'r Pwyllgor Trosolwg a Chraffu Corfforaethol, a fyddai modd i'r Cynllun Cyflenwi Gwasanaeth yn y Dyfodol i'r Gwasanaethau Cymdeithasol a Llesiant gael ei gyflwyno ynghyd â hyn.

### 78. PERFFORMIAD Y CYNGOR YN ERBYN EI YMRWYMIADAU AR GYFER 2017–18

Cyflwynodd y Prif Weithredwr adroddiad a oedd yn cynnig trosolwg i'r Pwyllgor o berfformiad y Cyngor yn 2017–18 yn erbyn ei ymrwymadau yn 2017–18 i gyflawni'r blaenoriaethau gwella a nodwyd yn ei Gynllun Corfforaethol 2016–10, fel y'i adolygwyd yn 2017–18.

Roedd yr adroddiad yn amlinellu rhywfaint o wybodaeth gefndirol, gan esbonio'r meysydd gwaith canlynol yn dilyn hynny:

- Ymrwymadau
- Dangosyddion Perfformiad Corfforaethol
- Dangosyddion Cynllun Corfforaethol
- Dangosyddion Perfformiad Cenedlaethol
- Dangosyddion Fframwaith Mesur Perfformiad ar gyfer Gwasanaethau Cymdeithasol a Llesiant
- Cyllideb



- Gostyngiadau i'r Gyllideb

PENDERFYNWYD: (1) Nododd y Pwyllgor berfformiad diwedd y flwyddyn ar gyfer 2017–18 yn erbyn y Cynllun Corfforaethol.

(2) Argymhellodd yr aelodau mai ond y dangosyddion perfformiad nad ydynt wedi cael eu bodloni hyd yn hyn y dylid eu cyflwyno mewn adroddiadau o'r fath yn y dyfodol.

79. EITEMAU BRYD

Dim.

Daeth y cyfarfod i ben am 12:48